



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

১৯ এপ্রিল ২০০৬

কলকাতা জুড়ে ২১-২৫ এপ্রিল বসুন্ধরা দিবস পালন করছে মার্কিন কনসুলেট

কলকাতা -- বসুন্ধরা দিবস উপলক্ষে আগামী ২১-২৫ এপ্রিল মার্কিন কনসুলেট স্থানীয় সংগঠনগুলির সঙ্গে হাত মিলিয়ে শহর জুড়ে একগুচ্ছ অনুষ্ঠানের আয়োজন করেছে। কনসাল জেনারেল হেনরি ভি জার্ডিন অনুষ্ঠানগুলির সূচনা করবেন। ডব্লিউ-ডব্লিউ-এফ-এর সঙ্গে যৌথ ব্যবস্থাপনায় আমেরিকান সেন্টারে আয়োজিত হবে প্রাকৃতিক ভারসাম্য বিষয়ক প্রতিযোগিতা। নন্দনে আয়োজিত হচ্ছে ফিল্ম শো - সঙ্গে থাকছে 'আরণ্যক'। ইন্ডিয়ান চেম্বার অব কমার্সের সহযোগিতায় হায়াৎ রিজেন্সি হোটেলে অনুষ্ঠিত হবে দ্বিতীয় বার্ষিক 'গ্রিন বিজ কুইজ'। এবারের বসুন্ধরা দিবস পালনের আর একটি বৈশিষ্ট্য হল, ইন্দো-আমেরিকান এনভায়রনমেন্টাল লিডারশিপ ফোরামের ফুলব্রাইট স্কলার সোনিয়া ব্রডট আমেরিকান সেন্টারে এক আলোচনা সভায় অংশ নেবেন। বিষয় - 'দি আদার রোড: প্রমোশন অব সাসটেনেবল এগ্রিকালচার'। ১৯৭০ সালে আমেরিকায় যার উদ্ভাবনা, সেই বসুন্ধরা দিবস গোটা দুনিয়ায় আজ এক আন্দোলনে পরিণত।

পরিবেশ রক্ষা করেও সারা বিশ্বে নিরবচ্ছিন্ন উন্নয়নের গুরুত্ব সম্পর্কে জনসচেতনতা গড়ে তোলার উদ্দেশ্যে আমেরিকায় এবং আন্তর্জাতিক স্তরে বিভিন্ন অনুষ্ঠানের মাধ্যমে বসুন্ধরা দিবস পালনে মার্কিন যুক্তরাষ্ট্র সরকার উৎসাহ যোগায়। এই সূত্রেই আনুষঙ্গিক নানা প্রকল্প ও কর্মসূচীতে আর্থিক অনুদানও দেওয়া হয়। গত বছর পূর্বাঞ্চলে এমনই ১২টি প্রকল্পে মার্কিন যুক্তরাষ্ট্র সরকার দিয়েছে ২ লাখ ৪৯ হাজার ডলারেরও বেশি অনুদান। এর মধ্যে পশ্চিমবঙ্গের বঙ্গা ব্যাঘ্র প্রকল্প, গরুমাড়া জাতীয় উদ্যান ও জলদাপাড়া অভয়ারণ্যে চোরা শিকার রুখতে ১৪ হাজার ডলারেরও বেশি মূল্যের সরঞ্জাম সরবরাহ করেছে মার্কিন মৎস্য ও বন্যপ্রাণী বিভাগ (ইউএসএফএস)।
